




2388

KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj: 01-1-351-1 /26
Sarajevo, 05.06. 2026. godine

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO
N/r predsjedavajućeg Skupštine Kantona
Ulica: Reisa Džemaludina Čauševića broj 1
71 000 Sarajevo



PREDMET: Odgovor na zastupničko pitanje – dostavlja se
Veza: Vaš broj i datum, 01-04-24273-28/26 od 05.05.2026. godine

Dana 19.05.2026. godine Kantonalna javna ustanova za zaštićena prirodna područja, zaprimila je dopis – Zastupničku inicijativu, veza broj i datum gornji. Dopisom se traži odgovor od Kantonalne javne ustanove za zaštićena prirodna područja a vezano za primjenu Zakona o šumama Kantona Sarajevo i Člana 22. kojim je propisana obaveza sanitarne sječe za lokalitet Zaštićeni pejzaž “Bijambare”. U podnesenoj Inicijativi, uvažena kantonalna zastupnica Marijela Hašimbegović traži odgovor na pitanje – Koliko je sanitarne sječe izvršeno na ovoj lokaciji u posljednjih 5 godina?

ODGOVOR

Kantonalna javna ustanova za zaštićena prirodna permanentno provodi sve mjere zaštite šuma a posebno mjere koje se odnose na zaštitu šuma od štetnog djelovanja insekata, u ovom slučaju smrčinih potkornjaka -Veliki smrčin potkornjak (*Ips typographus*) i Mali smrčin potkornjak (*Pityogenes chalcographus*). Ostale poslove, poput doznake stabala za sječu, tačnije sanitarnu doznaku, projektovanja i realizacije (sječe, izvoza i otpreme šumskih drvnih sortimeneta) na području zaštićenih prirodnih područja, a na osnovu zaključenog Sporazuma između dvije strane, vrše KJP “Sarajevo-šume” d.o.o. Sarajevo.. Pomenuto preduzeće na kraju svake kalendarske godine izrađuje zakonom propisan dokument – Iskaz sječa, u kojemu su sadržani svi podaci o količinama posječene drvne mase po vrstama drveta, te po uređajnim i administrativnim granicama unutar šuma. Iskaz sječa se dostavlja Kantonalnoj tj. Šumarskoj inspekciji i Upravi za šumarstvo Kantona Sarajevo.



Napominjemo da je sušenje smrčevih šuma usljed štetnog djelovanja smrčinih potkornjaka globalan problem te da nije zaobišao i jedno od najvrednijih zaštićenih područja Kantona Sarajevo tj. Zaštićeni pejzaž "Bijambare". KJU za zaštićena prirodna područja u saradnji sa KJP "Sarajevo-šume" maksimalno je posvećena blagovremenom provođenju svih mjera i radova kako bi se uticaj pomenutih štetnika sveo na najmanju moguću mjeru.

Prema Iskazima sječa, u proteklih 5 godina, na području Zaštićenog pejzaža "Bijambare" ukupno je realizirano **11.459m³** neto drvene mase u okviru sanitarnih sječa, što predstavlja prosjek od 2.291m³ godišnje. Obim sječa u apsolutnom iznosu po godinama prikazan je u sljedećoj tabeli:

Godina realizacije	Količina realiziranih sječa (m ³ neto)
2021	849
2022	1833
2023	3678
2024	4956
2025	143
UKUPNO	11459

Ako se uzme godišnji zapreminski prirast za tri gazdinske klase kojima pripadaju sastojine tj. prirast u količini drvene zalihe od 8,7m³ po hektaru za godinu dana, dolazimo do podatka da je u toku 5 godina na cijeloj površini gdje su vršene sječe priraslo 13.369,5m³, a posječeno 11.459,0m³. Nadalje, a radi lakšeg razumijevanja, navodimo i činjenicu, odnosno relevantne podatke iz šumsko-privredne osnove, koji govore u prilog tome da je ukupna drvena zaliha svih šuma na području Zaštićenog pejzaža Bijambare u proteklih 10 godina nije umanjena, tj. da u datom periodu, bez obzira na količinu posječene drvene mase, nije došlo do smanjenja ukupne drvene zalihe šuma na području zaštićenog pejzaža tj. nije došlo do umanjavanja drvene zalihe po hektaru.

Sve navedeno svakako ne minimizira ozbiljnost problema koji se trenutno dešava kako na Zaštićenom pejzažu "Bijambare" tako i u svim smrčevim sastojinama van zaštićenog područja, te će s toga Ustanova i dalje preduzmati sve mjere iz svog domena kako bi se stabilnost sastojina dovela u što bolje stanje.



Ukoliko su Vam potrebni i detaljniji podaci koji se eventualno odnose na realiziranu drvenu masu sanitarnih sječa po vrstama drveća ili nekim drugim kategorijama, stojimo vam na raspolaganju.

S poštovanjem,

Pripremio: Muhamed Srđević [redacted] ing.šum.
Glavni nadzornik

Kontrolisala: Harita Čok [redacted] šum.
Pomoćnica direktora



Asad Jelešković [redacted] g. polj.

Dostaviti:

1. Naslovu
2. Arhivi Javne ustanove